

內蒙古紀要
花楞編

亞洲民族考古叢刊
第六輯

內蒙古紀要
花楞編

南天書局發行

中華民國五年十二月初版

每部附圖大洋壹元

編述者 臨川花楞

印刷所 北京共和印刷局
琉璃廠西頭路南
電話南局六十三

發行所 北京經緯書局

上海羣益書社

各大書坊

分售處

各軍事書社

臨川花樗述

內蒙古紀要

范源廉著檢

第壹拾

市

魏宗瀚題



蔣序

鑿昔願船宏箸。朔方有備乘之稱。默深微言。聖武附籌邊之誌。類能鈎稽戎索。渲染皇圖。使甌脫之鄉。要荒之地。皆爲防維所及。肇畫所周。惟統論夫全邊。非專詳於一部。慨自勝清道咸以降。迄乎光宣。強俄西掠。回部東扼。挹婁外蒙。旣馬腹鞭難。內蒙亦魚池殃。及方今日。繼俄後。滿爲蒙先。未得隴。已有望蜀之心。欲弱魏。卽蓄并韓之策。有志之士。所以瞻念國防。而綦歎增唏也。花君虛白。游學東瀛。眷言西顧。目擊鄰氛之迫。心傷國步之艱。杖策歸來。未遽投班超之筆。著書發憤。願得附史氏之林。爰撰內蒙古紀要一書。以冀警醒同袍。綢繆未雨。凡地人文之狀況。東盟西盟之源流。莫不皎若列眉。瞭如皦掌。以視何魏二氏之籍。雖範圍有廣狹之殊。而精神有獨到之處。取材旣富。隸事亦精。後附史畧一編。表往昔元代之雄圖。慨末世清廷之失策。天非常。醉海易生桑。

成敗由人。古今同揆。不佞雖誦數過。感慨滋多。今之陰山北去。大漠南來。白狼烏桓。原萬里金甌之屏障。奈曼敖漢。皆千秋鐵券之藩封。要在翊衛神京。重在消弭邊警。嗚呼。山川聚米。馬伏波制虜有才。利病成書。顧寧人於今不作。陸沈可懼。國恥疇興。花君迺輯其舊聞。成斯傑構。滿紙皆憂時之淚。呼天非無病之呻。上下縱橫。淋漓悲壯。心長語重。慮遠思深。探史箴而自具三長。懸國門而難更一字。杜征南平吳將畧。早在胸羅武庫之時。左太冲作賦才華。可徵紙貴洛陽之價。是爲序。民國五年秋。應城蔣作賓。

秋間銳姪遇虛白於都中自言與予家舊
姻銳姪不知誰何但言江西臨川人而口
搽蜀音廬地藏庵予聞而訪之問其家世
驚曰君祖五十年前予鄰居而葭莩戚也
君其孫耶問其堂上七旬老母尚存問搽
何業由蜀歸已入學食餼王華珊守撫州
時賞識其文問近何著作出一編示予讀
之則內蒙古考證詳確嗟乎中國以蒙古
為藩籬近年粉飾新政百端林立獨於蒙

古漢視焉君作此誠有心人哉今之達官
貴人與夫熱心愛國之士儻瀏覽是編而
急急圖之庶不負作者之苦心也夫

民國五年十二月下浣珠巖山人高樹序

羅序

吾見夫鄉人之處室者。其父若兄坐堂皇。子若弟供奔走。日唯竊竊焉。高閤閤繕牆垣。固扃鑰厚積藏之是務。而無或乎稍懈。曰以備不虞也。噫可謂智且能矣。治國亦何以異是。今夫滿蒙國之閤閤。畿輔之牆垣也。互市以來。扃鑰不固。積藏不密。其視眈眈其欲逐逐。且羣相伺于吾側。斯其爲不虞也大矣。不爲之指津梁。嚴守備。徒患鄰之強而自安於弱。徒責人之狡而自甘於愚。迺所謂明于小昧於大者也。其可乎哉。花君虛白蓋知之矣。虛白本究心於輿地兵謀之學。奔走海內外十餘年。曩嘗陟戎壁之墟。憑吊成吉思之遺烈。愴乎有今昔河山之感焉。今且舉軒輶之所探訪。驛館之所紀載。搜而輯之。都爲五卷。名曰內蒙古紀要。付之梓以問世。觀其所指述。差有異乎嚮壁虛造之所爲。或亦怵邊

事之日難。守備之不容弛。促起國人之防禦性。以貢其所得乎。其志慙已。吾故樂爲之序。以與國之人共相勉乎。斯義而推堅之。毋爲鄉人笑焉。且日夜望虛白之進於是而更有作也。合肥羅開榜序



弁言

歲乙卯。居東肄學。恥日人之脅我以最酷條件也。投袂歸來。息蹤滬上。五月七日。我竟以無力抵抗。屈認五號二十一項之要求。辱國喪權莫甚焉。彼日本朝野軍政家。夙持北進之陰謀。實現其大陸政策之主張。至是而得以長足進取。顧瞻我國。寒已及於肩背。禍將中於腹心。縱及今作亡羊補牢之計。奮起以圖存。而環吾國者。欲逐逐視眈眈。相逼以俱來。實有應接不暇之勢。患固匪止日本也。然度勢量權。則以日患爲尤烈。迹其肘腋逼處。遠蹠高舉。戰俄之後。卽奪取旅大兩軍港。邇復乘歐戰之便。假英日同盟爲口實。破壞均勢。攻取青島。尋釁抵讎。無微不至。蓋其既併朝鮮。卽圖南滿以爲屏藩。覬內蒙以爲外衛。此擴張領土之野心。路人皆見也。今駸而實以浪人。盾以武力。內蒙將奚恃而不危乎。滿蒙之勢。已入彼括囊之中。而更有旅大膠州。據爲犄角。其一舉手投足之間。直輕重我北京而

有餘矣。東西盟各部轄境。遼金因之以蹂躪中原。雄踞黃河以北。滿清入關。亦惟科爾沁等之疏附奔走於前。喀喇沁等之嚮導內應于後。無他。形勢利便故也。左文襄有言。中國邊患。西北劇于東南。又言保新疆。卽所以保蒙古。保蒙古。卽所以保北京。是則日本之內蒙侵入。危急存亡。可想見已。生存競爭。爲人道所不能避。而于國際團體之間。其形愈顯。而其勢愈劇。我國遭時艱難。幾無實力以自衛。于國際競爭之時。今又蒙此奇恥。尙忍不持。猛進奮鬪之精神。以力圖富強乎。況我國地大人衆。儘有可爲。卽僅以內蒙一隅論。有數十萬方里之沃壤。物產廣饒。而人民又復服從。忍耐以之。充軍實備。教戰已足。以雄視乎東方。舍此不圖。而坐待強鄰之俎割。不重可傷哉。吾聞之多難足以興邦。若因今日之奇恥。而激起通國人心。常懷寇至無日之懼。則今日之內蒙侵入。未始非貽我良藥。起沈疴于九死之餘也。余奔走海內外。目擊邊事日非。編成內蒙古紀要一書。都五

成吉思汗



成吉思汗






大 喇 嘛

扎 資 特 旗 王 府



蒙 人 捕 馬 竿 之 圖

包古蒙之式定固



景光之市開廟嘛喇